

# PAPAKILO

Hawaiian Newspapers Collection [Menu](#) ▾

Translate  
www.woiweb.org

Ka Nupepa Kuokoa / 22 May 1875 / NA PALAPALA I KE KUOKOA.

Ka Nupepa Kuokoa, Volume XIV, Number 21, 22 May 1875 —  
NA PALAPALA I KE KUOKOA. [ARTICLE]

[Back](#)

## NA PALAPALA I KE KUOKOA.

O kau leta e J Kaulaweolani o Kealakahā, Hamakua, e hoohelelaha mai ana i ka hiki ole aku o ko kakou Lani Moi i Hamakua, ua loa mai nei, a eia ka pono e hoo-manawauui no oukou mai ohumu.

E S Mahi o Waihee, Maui, ua hiki mai kau olelo pane loihi ia S. Makaainana. Ua manao makou he mea lapuwale ka waha-kole ana o olua e na makamaka. Na keia mua aku e hoike mai i ka oiaio o keia mea a olua i kamailio iho nei; a o ka makou hoi, mai hoopalai maka ia olua iho, no ka mea, he paio maka kila wale no ia.

O kau leta pane kikoola e G T Kamipele o Pooahawai o Hilo ia makou, ua kapae loa ia, no ka mea, ua ike ole oe i ke ope ia, ke iho hewa la i Makua. Ua eha paha oe?

O kau ninau e Geo. Brooks no na dala hope i hookaia mai ai o kou belu no ke Kuokoa, ua loa mai ia, a ua lanakila hoi oe, na makou wale no ka hana i koe.

O kau palapala loihi e Kakaako, o Honolulu nei, e pehi ana i ke Kahu Ekalesia o Kawaihāo, no ka ulupa ia e na Kahu Ekalesia o Oahu nei a me kona hoomokuahana i na Kula Sabati o keia mokopuni, aole makou ae e hookomo; ua akaka ka laau me kona hua. Ua kukuluia ka nupepa ana e noho lunahooponopono nei malalo o keia mau olelo: "He pepe i hoopakaia i kela a me keia hebedoma no na ohana a me na Ekalesia Hawaii; he mea kokua i ka noho pono ana o na ohana, ka maluhia o kanaka, a me na pomaikai kino a uhane o ka Lahui Hawaii. Aole paonioni; aole

uauu; aole pikiwawe ka uuu; aole uo-  
noo ino;" aka, aole aoe ia i malama ia ka-  
hna. Ke paonioni mai nei me ka manao e  
hakaka poo.

O ko makou lono ia oe e Rain Paupili o  
Lahaina, no ke Kahunapule o Waikapu,  
aole makou e hoopuka ana, no ka mea, ao-  
le akaka ia makou na lono o na aoso eloa.

Aohe launa iki o kau lono i hai mai nei  
e Iosepa H. o Kapelilua i Kona Hema, e  
pili ana i ka hakaka au i ike ai. Aohe no  
he waiwai o ka nupepa ke hoopuka ia mea,  
no ka mea o na enemi o ke kanaka no ko-  
na hale iho noia.

O kau na hou e Aarona o Wailaau, o  
Koloa Kansi, nona ke poo, "He Keiki  
Huelo," ua loa mai nei, a ke mahalo nei  
makou i na hana ano e a ke Akua. He  
mea ia e ikeia ai ko ke Akua nani.

O ka oukou lono hakakole e ka poe hula  
hookiekie o Puhia Manoa, e lili kuhibewa  
ana i ke kino o ko makou wahi Ukulii, he

nana hoopalai maka wale no ia. U ko ma-  
kou manao ao aku, mai hoao hou oukou e  
hula ma ka la Sabati, aole hoi e waleau  
ano e mabope o ka napoo ana o ka la ma  
na la noa,—E pono e nahi ka hele. Aole  
hoi o ka imihala wale iho i kekahi keiki o  
ka aina. No ko oukou hihaha nei i haku  
olelo pilikino ai, me ke kuhibewa loa?

Ua hookolokoloia ma ke kau kiure  
o Hilo na pepehi kanaka malalo iho: Ke  
'Lii kua ia Kahalelepo, no ka pepehi kana-  
ka, hoopaneia a i Hooolulu i ke kau kiure  
o Iulai e hanaia ai; Ke'Lii kua ia Palalo,  
no ka pepehi kanaka, hoobewala he 15 ma-  
kahiki ma ka hana olea; Ke'Lii kua ia  
Naibehau, no ka pepehi kanaka, hoopane-  
ia a i Hooolulu i ke kau o Iulai.

This article has been automatically clipped from the Ka Nupepa Kuokoa 22 May 1875,  
organised into a single column, then optimised for display on your computer screen. As  
a result, it may not look exactly as it did on the original page. The article can be seen in  
its original form in the [page view](#).